

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

LXIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

cognoveris, quid Spirenses advocati consulant & quæ Domitii sit sententia. De vobis omnibus sic statuo, ut te & omnibus vobis amicis meis, qui pauci estis, quod salvis vobis perire & perdis nequeam. Vale, mi Domine Compater. Northemii, 27. Maji.


Joan. Sturmius, Rector.

## LXII.

Eidem.

**E**X Giphanio intelliges, quantum cupiam, Talpam à me citari, idque ex consilio amicorum: Rogo te, ut gratificeris consilio amicorum & huic necessitate meæ. Ad Gamahulium scripsi de rationibus Gallicanis, cum eoram adesset Giphanius, ex illis literis & ex Gyphanio intelliges, quæ meæ sit voluntas & quæ justa ratio. Multa & magna posui, sed tamen non omnia, utinam hæc ipsa satisfacerent surdis & omni sensu destitutis hominibus. Non solum scriptis contractibus, sed etiam vivis testibus probare possum, quæ enumeravi & ostenderem omnibus hominibus, quanta sit calamitas mea propter Gallorum ingratitude. Barbara illorum memoria me cogit Ciceronianum esse desinere. Delibera quæso cum Gamutio. Peterem à te & à Gamutio, ut simul ad me veniretis, si id petere possem propter utriusque vestrum erga me merita. Quam iniquum est Ocutanos decrevisse mihi quinque millia coronatorum: altera quinque millia, si mihi solvenda sint, ut rationibus demonstrarem, nec me vocant ad rationes. Princeps Condiarius consistorium constituit in Monte Pessulano omnium controversiarum, neque tamen id consistorium ad rationes reddendas: & officium, quod ipsi negligunt, ego suscipiam, & ab ipso Consistorio petam, ut Bernam mittant, qui rationes meas cognoscant. Puto etiam, me obtinere à Bernatibus posse & à reliquis civitatibus Helvetiorum, ut ipsi idem petant, quod ego, & justo & certo arbitrio de re tota decernatur. Vale & diligenter considera, quæ Gamutio scripsi. Northemii, Cal. Apr. Ao. 82.

Joan. Sturmius, R. & Præpos.



## LXIII.

Eidem Tuppio.

**M**I Doctor Tuppi, mi amice & compater: ante multos dies vocatus sum à Mittelhuso & duobus aliis senatoribus. Venissem quidem libenter, si per

per hemicraniam & punctiones atque dolores utriusque oculi potuiffem. Hoc vesperi rursus vocatus sum ab eodem equite. Hemicrania quidem molesta amplius non est : sed oculorum dolor, ut medici vocant, punctorius per intervalla quotidie redit. Quid tu suades? equitare non possum propter herniam. Vehiculi agitationem metuo, & vertigo impedit, peditem me ad vos venire. Significarunt isti delecti, ut si per valetudinem venire non queam, per procuratorem agam aliquem, id quod facere constitui: & jam Gryfio per literas commendavi, ut pro me adfit. Rogo te, adsis illi consilio, utut excusatus videar, ne videar contumax, & Gryfius pro me benè respondeat. Quale, mi Comptater, putas esse album meorum amicorum, scribe saltem aliquid ad me, ut sentiam me abs te amari. Vis scire, quo sim animo? video, audio, spero. Omnia ista rectè. Unum non rectè, quod doleam, non licere ulcisci. In quo tamen etiam me consolor. Stultum est, etiam si posses, ulciscendo meum jus vindicare. Sit DEUS vindex suorum, & sui precentur: remitte nobis debita nostra, sicut & nos remittimus. . . Istud quidem verè & ex animo scribo; sed tamen cupio me aliquo talitro ulcisci posse. Has ego puto esse non impias vindicias. Vale cum uxore optima Matrona & de me benè merita propter matrimonium meum: & cum liberis tuis suavissimis. Northemii, 17. Novembr. Ao. 81.

Joan. Sturmii, hodiè Rector.



LXIV.

Milhemio.

Commendavi Dno. à Watvveil causam meam pecuniariam Gallicanam, quam tamen turpe ducam defendere, tamen necessitas me cogit, ut mihi non desim. Nam & pecuniam amitterem, quod parum esset, & simul existimationem meam proderem, quam maximi facio: tum etiam causam religionis & ecclesiarum defererem, quod nefarium facinus esse duco. Si hæc tria virum bonum movere debent, rogo te, mi Milhemii, ut quod à Domino Watvveilano petii, idem tu facias, ut & mihi adsis in mea pecunia recuperanda, sine qua adversarii resistere non possum: & fama atque capite meo defendendo, sine quo vivere non possum: & in tuenda religione Ecclesiæ Christi, sine qua salus consistere ipsa non potest: idem etiam tu pro tua virtute & prudentia & autoritate & fortitudine pro me suscipias. Puto me petere, quod æquum est, à viro maximo in Republ. vestra. Credo etiam, tui officii esse, istud

Uuu uu